

《上海新报》中的 太平天国史料

供内部参考

上海图书馆

1964.11.

目 錄

編輯說明

史料

1862年·····	1
1863年·····	82
1864年·····	147
1865年·····	184
1866年·····	203

附錄

地名異字表

编辑说明

一、《上海新报》是英、美帝国主义所办的一种中文报纸，一八六一年十二月创刊，在上海出版。由英国字林洋行发行。开始时为周报，次年改为二日刊，一八七二年初《申报》创刊后，改为日报，同年四月，停刊并入《申报》。

二、我馆所藏《上海新报》，从一八六二年六月廿四日（同治元年五月廿八日）第四十五期起，至一八七二年十二月卅一日（同治十一年十二月二日）第八百三十六期止，中间略有缺佚。经常有读者要求查阅其中有关太平天国的资料，该报年久纸脆，易于毁损，不宜多翻。为了保存原报，特把这部分材料加以辑录；仅供我馆有关读者参考。

三、本书辑录的资料主要是清朝统治者与外国侵略者所作的消息报导，此外也辑录了一些其他有关资料，作为附录。至于统治者的谰折，概不辑入。这些报导出自帝国主义和反动派的笔下，对太平天国革命运动采取敌视态度，充满了恶毒的诋毁和诬蔑。辑录时为了保持资料的本来面目，以供批判，故对原文字句未作任何改动，请读者参考时特别注意。

四、资料的编排，按原报刊载日期的先后为序。为便利查阅，在原报所署旧历前冠以公历。

五、辑入的资料都加标点。原报错字和缺字之可考明者，由编者在原文字后分别以（ ）〔 〕号注入。原报中的地名用字，常有差异，在书末编附《地名异字表》，以供参考。

地名異字表

茜 涇

蘊藻浜

劉 河

澱山湖

甬直鎮

虹 橋

陸度橋

四江口

外 岡

廣 福

洙 涇

侯家弄

松 江

泖 塔

新 埭

蘆 墟

千 涇

蘊草浜

劉 河

田山湖

六直鎮

紅 橋

大度橋

泗江口

外 江

光 復

朱 涇

侯家弄

淞 江

卯 塔

新 地

蘆 區

淺 涇

山 浜

力 河

殿山湖

馬 鎮

紅 橋

大 橋

泗 口

外 岡

光 福

朱 涇

侯 弄

淞 江

卯 塔

新 地

蘆 區

1862 同治元年·壬戌

6月24日(五·廿八)

浦東聞得：二十二夜，莊家行賊乘風雨，駕船數隻，水陸並進，偷至南橋西兵營濠外，經西兵瞥見，於暗中施放洋鎗。該逆見防守嚴密，即行退回。又柘林東門外，現有南匯民團數百人及開字營兵千餘名屯住等語。

浦東探得：柘林南門外六里許之雙屈鎮，今早有賊竄至，經柘林兵勇出隊迎勦。該逆沿途焚掠，旋即退去等語。

法華探得：七寶至燒香寺均無賊踪，今早嘉城賊數百人至南翔，鶴蛇山尙有賊踞等語。

法華探報：南翔踞賊已退。惟黃渡現紮賊營十餘座。泗涇賊經華副將督帶洋鎗小隊奮力追勦，現已肅清等語。

又探得：溧水、句容、丹陽等縣，經官兵極力攻擊，均已先後克復。惟潰敗賊兵，聞各紛紛逃散南來，是以各路務須加意防守。現在南京經官兵圍攻甚急等因。

又探得：寧波碼頭外國人防守嚴密，賊匪竟不敢擾。惟往紹興一路，客旅往來甚爲阻塞，米船亦不能前進，竊恐該處一帶米糧不濟等情云。

26日(五·三十)

聞得：東壩之上，本有曾九大人帶兵一萬數千駐紮防堵。忽於本月望間半夜，有賊數萬圍營，曾營兵少，衝鋒而出，現在退守二十餘里等情云。

法華聞得：鶴槎山尚有賊踪，法華所駐各營已於今日移至北新涇屯紮等語。

松江聞得：李中營、華副將均由申回松，因馮兵未到，已派常勝軍四牌赴廣富林屯紮矣。五月三十日，柘林民團會同西兵及撫營所駐之兵共計千餘人攻打漕涇，賊竟對敵，經各兵勇施放鎗炮，斃賊百餘人，賊竄金山衛去，當將漕涇收復等聞。

7月1日(六·五)

火輪輪帶來新聞：連日官兵在南京城外，並未開仗，現擬令賊頭作兵進攻等情。偽護王已到南京門外，意欲去攻蕪湖。查官兵紮在南門，二、三日內大約定當開仗。從前貿易，小民不能買賣，今官兵逼近進攻，生意漸有。百姓深望官兵早日克復城池等情。丹陽城聞已收復，官兵逼近常州，蘇城之賊甚少，均往南京救援矣。

探得：南京軍務，前此九伏州克復之說，尙係傳訛。至官兵實已逼近觀音門一帶。並聞南京城外，離城數里之鄉鎮，百姓均已剃髮，似則南京賊匪勢自衰矣。

浙江省城之賊，聞實不多，大股俱踞紹興、湖州各處，絲、茶甚難購辦。中外商人均爲飲恨。曾帥之兵僅到廣(德)州，未能直下等情。

昨日所云：賊匪大頭目四眼狗陳玉成現在勝營，勝帥已加緊具奏。聞京內要生解該逆進京，勝帥尙未復奏等因。

探得：陝西現在髮賊甚爲猖獗，潼關有失陷之說。陝

甘總督沈駐紮甘肅，目下趕調兵勇，前往接應救援，未知勝負若何。

初四日探得：賊匪現踞羅店，約有數百人，光福已設賊館。寶山城安靜。姜營兵勇數千紮於西門外里許都廟一帶。吳淞營兵千餘紮於北門外三里許小沙浜，該處係瀏河要道。梁勝勇紮於泰興庵，離鎮西市梢三里。艇船、八槳船共有五、六十號泊於口上及蘊草浜。西兵屯於天后宮、關王廟等處。惟姜營兵勇在鄉騷擾，昨晨有西兵頭到鄉，至各營船四，關照禁約等語。

7月5日(六·九)

昨由漢口來一輪船，路過南京，見一炮台焚燬；台上有賊開炮，轟擊輪船，遠不能及。現在官兵圍困南京，兼有炮船數百隻，四路兜剿，賊匪萬分吃緊。

探得：龍潭、東洋、螺絲溝等處之賊，現已在署江寧府楊名鍾深處投誠。

8日(六·十二)

探得：安徽幫辦軍務李軍門帶兵由六合段要口渡江擊賊得勝，將石浦橋賊卡踏破數座，該卡之賊，聞已投誠。目下曾九大人帶兵南下，聞已抵板橋地方，距南京省城約只三十里之路。

南橋探聞：金山衛城尚有賊踪。又青村探悉：奉賢城內有撫台標下口口口餘人，固守甚嚴，楊邑尊於五月二十七日公座後安民矣。

吳淞探聞：羅店鎮出賊馬數匹，步隊百餘，至月浦放火，並擄去百姓數十人，旋即退回。瀏河淺口及劉家行仍有賊踪。

前云：賊頭四眼狗陳玉成京內有欲生解之說。今聞生解進京，竊恐途中疎虞，已正法矣。

初十日南橋探得：金山衛城中之賊甚屬驚恐，知北門外有外國兵勇到來，均有逃走之勢等語。

7月17日(六·廿一)

昨日探聞：嘉定城內之賊出有數十餘人，乘坐小划船在於各鄉村一帶割取柴薪，並擄掠民家猪、狗、雞、鴨而去各等語。

聞得南橋十七日申刻探回稱：前紮南庫各兵本日拔營進攻衛城，先經柘林帶兵官劉公將金山城外東北各鄉賊卡攻毀，賊盡退入衛城。現在東、北兩面圍定。晨間，何家橋見有西兵由船上岸，并有洋鎗小隊往西，云亦助勦金山。撫憲駐朱涇，黃軍門攻勦金山西門等語。

十九日申刻聞得：攻勦金山衛大兵駐紮金城東北等處，今日開仗。並聞青浦近添賊，有僞主將之[名]目，逆匪約二、三千人，並不出竄。

22日(六·廿六)

浦東川、南一廳一縣於去年十二月被賊大股冲撲，將房屋貨物十焚七、八，其浦東衆民受害非比他鄉。於今年三月間，英、法二國兵將會同川、南紳董督率民團剿復周

浦等鎮。南匯縣鄧令探知南匯賊匪胆裂，當即會同紳董，督帶民勇，連日移營，脅以兵威，曉以大義，南匯賊首吳建瀛等因此投降。於五月初一日收復城池。鄧令連日又督紳董民團、降勇攻打川沙，是以川沙賊匪前無去路，後無退步，於五月初四、五二日，擄搶民物。初六晨刻，將城中房屋燒去七、八，沿塘全數逃遁。初六午刻，川沙廳帶同紳董民團收復城池。

聞得：李撫臺現須遵旨駐紮鎮江，不日即行前往，僅帶兵二千名同去，所餘之兵有交與參將姓程名學啓管帶之說。

又周莊地方有姓費名阿玉一家，向爲髮逆僞職，日前撫臺至瀏河到該處，將費姓一村盡行洗淨，該處附近百姓大爲稱快。

7月24日(六·廿八)

聞得撫轅偵探回稱：賊目闕天義、黃隆吉兩僞帥官率帶賊衆二千餘人，由蘇城所轄之大村地方而來，盤踞東洞庭山；在於長圻山、寒谷山、席家湖三處築砌炮台數座，以扼我軍進攻之路；並於該處渡口地方添造堅城一座，賊卡數處，甚爲机嚴。所有往來各商船人等，先將在船人數查明，按照載船各項貨物完稅放行。於本月間，湖中燥風數日，商船不通，各灘鋪無米，該處諸色人等，以小麥、蠶豆、高粱子爲飯充飢。又被該逆匪徵收上限銀兩，照本朝銀數加增一倍。并挨戶捐錢，富家每天捐錢一、二千文，

貧家須捐三、四十文，日日收取，以作該逆各項費用。如有力不能捐者，即飭鄉官帶賊卒、賊差居往(住)民家，勒索不貸。

7月26日(六·三十)

又聞：南京高橋門駐紮之鮑提台、多將軍帶領馬隊官軍續取南京城，賊逆大爲驚慌，潛伏不出。杭省之賊不少，亦有賊隊赴南京等因。

29日(七·三)

聞得蘇州逃出難民張姓云：六月十一日我兵攻破雨花台賊營，現圍南京八門。城中各王自己各保王府，天王令各王派兵守城，供(俱)無應者。天王無計，十日之內連降詔旨三道，調忠王救援。僞忠王因蘇城鎗船甚夥，不敢擅離，隨派六王宗統賊衆六千，嘉興府聽王統賊衆五千，前去南京救援。六王宗之兵行至句邑不能前進，因句容東鄉百姓團練甚爲利害，逆匪甚怕，退守常州各等語。又云：蘇郡鄉紳所造之鎗船在蘇城之西南鄉蕩口地方，距蘇州四十五里，與我兵交界之所。陽爲保衛賭局，陰爲我軍內應救援，船小鎗多，即蘇州所出入貨物，均係鎗船護送。自蘇州至田山湖賊匪設卡九道，昨經我軍水師攻去湖口兩卡，仍有七卡。鎗船所經，賊卡無敢問問。各客船所載之貨物，照貨單納稅。女人至上海者，逢卡每名納稅三百五十文。田山湖泊有我軍戰船二百餘號，本月十四、十五等日，與松江賊匪打仗，賊船只有六、七十號，十五日戰敗不知所往。

蕩口地方係僞忠王左三承宣呂榮光把守，共有五百餘人，設卡二道：一收田畝捐項，一收貨物税金，四、五兩月共收有三千六百餘兩。此係蘇州實在情形各等因。

前經中國國家囑託外國購辦砲船，現在英國各口均已備齊，不日即來中國。所有營船統領大員業已派定，每年議給俸銀一萬五千元；小兵官數員，每員每年俸銀三千五百元。除俸銀外，尚有另外經費，大半歸於中國支應。英國國家另派砲船二隻，大兵船一隻，新任水師提督一員，水手及砲兵數百名，前來中國保衛各口。

8月2日(七·七)

初四日申刻到，南橋報稱：金山探得內外兵營安堵無事，西路亦別無舉動。昨日聞有大營兵進紮衛城，相機進剿平、乍各鄉，於回時半路逢見頭站數人，大兵尚未到等語。

松江探得：松城無事，西路亦並未出竄。昨聞臬憲至松，各憲往迎候，後未接到，傳聞已往金山等語。

吳淞探得：羅店踞賊，今晨又東竄至盛家橋擄掠。劉家行、塘橋所設賊館，本係土匪居多，現聞大兵攻嘉、太，有星散之意。自克瀏河之後，水師各船俱放回吳淞，刻聞太倉賊衆大隊復近瀏河，焚掠特甚等語。

初五日南橋探稱：該鎮所駐英、法兩國兵勇要拔隊退回滬城云。於下禮拜兩日起行。

松江探得：華副將於初四日回松。臬臺赴金、南、川

等處，安撫百姓，今早府縣均至得勝口迎接。青城賊時在白鶴港一帶出沒等語。

昨日英國水師提督由乍浦、寧波回滬，言及前往乍浦時，見遇長髮，其首姓陳名逢天義，觀其現在情形，各有不願爲賊之意。光景十分危急，如無執照，城門不能進出。後往寧波，該處頗爲安靜，居民日有搬回。餘姚、紹興等處，仍有賊匪。甯紹台道不日即將領帶華爾所操之兵及英、法所操各兵，並會合英國兵船協力進剿。寧波買賣全無，絲、茶一概不到等語。

8月5日(七·十)

今日有人傳言，南京省城已爲官兵攻克，未知確否？如果屬實，則幸甚矣。

英八月初一日，寧波道台會同英、法兵船前往餘姚攻剿賊匪云。

吳淞探得：羅店之賊於黎明突冲至楊家行，殺死鄉民數人，擄去男女二、三百人。劉家行、塘橋、光福等處仍設賊館，并開店貿易。瀏河於昨晚又經髮逆屯紮，見人即殺，各鄉百姓紛紛逃避等語。

南[路]探稱：張堰已紮大營，現在挖掘濠溝，尚未舒齊。西路探稱：金邑西二十里外平邑接壤地名塘裏有賊出沒，聲言約齊乍浦踞賊，要分股來撲新倉、張堰各營盤，刻下尚未舉動。

聞得撫轅營務處探丁回稱：浦東肅清之後，竟有土

棍勾結游勇，在於該處四鄉私設局卡，或稱官弁差巡，或稱密約鄉團，遂帶同餘黨前赴鄉村，鎖獲該處前受長毛之偽鄉官人等，而鄉民愚拙，莫辨真偽，即以銀錢買命。其受賊匪偽職鄉官人多，豈能個個有錢買命，以致無錢家受害匪輕。更有可憐之處，各鄉村男婦兒童遍山(出)逃避樹林穀藏，值此炎天或受暑症或尋自盡者，計有數十餘人。似應趕緊多派差兵前往該處，密約紳董會同緝拿，以甦民命，而固人心。現經署江蘇按察使司總理撫轅營務處劉，密飭妥差幹丁前往拿獲外，並出示曉諭等因。

8月7日(七·十二)

初九日酉刻到，吳淞探稱：賊在圻石橋紮立卡子，該處離羅店東三里。前楊家行擄去鄰人，現拘禁在劉家行賊館，云每名要洋七十元，即可贖回。劉河仍有賊据。月浦、寶山、吳淞無事等語。

南橋探稱：金山城中要調兵往攻乍浦之議。大營已進紫錢公亭。奉、南之兵昨馳往衛城一帶堵禦，府尊賈亦在衛城同議。挖濠之舉，尚未興工等語。

泗涇探稱：青賊並不出城，朱家角踞賊昨日有千外人進青城西門，似有負固之意。親兵仍駐北簕山，尚未出隊。虹橋之兩營，今日進紫塘橋地方，撫憲帶兵亦至塘橋等語。

諸翟探稱：黃渡賊並不出竄。白鶴港、泗港口賊知我大隊已到，俱陸續北退。外岡、安亭仍有屯賊等語。

初十日酉刻到，南橋探報：浦城尚有洋米，惟價須一百三十餘文一斤。平、嘉地方竟無餘粒，惟賊館有米，祇給當差人吃，百姓已至絕糧。然館中每月要解杭城三千担，否則要差僞官坐提，故三路之賊俱在逃散，情願投作官兵等語。

聞得：南京賊勢危急，僞忠逆已於月之十七日帶匪數萬由蘇前往救援。至南京城外房屋均爲官兵得手，屯兵駐紮，連日並未接仗，但水師炮船陸續到南京者正復不少矣。

松江廿八日探得：松城內保勇四百餘名昨日移紮生生橋，離北門三里。廣富林雖請馮帶領兵勇暫紮營盤，迄今未到。青浦賊匪無多等語。

探聞：南京燕子磯及觀音門一帶，經官兵奮力攻擊，均已先後收復，似此，江北軍務大有起色。

茲聞洞庭東山辛酉春二月朔，被漂(漂)毛擾亂之後，盤踞一載，尚稱安靜，惟索捐重叠。壬戌初，復被蘇逆到山占奪，該漂(漂)賊退守西峯，而蘇賊初到之時，假意出示爲漂(漂)毛索捐重重，前來驅逐等情。後有到賊千餘名，橫行更不是(如)漂(漂)賊。仍照賊之捐加增一倍，兼之各住人家，被擾不堪言狀。鄉官原係地方辦公起見，屢聞東山之僞監軍葉惠帆暨軍帥等不爲地方辦公，甚屬借逆索詐。伏係東山風俗澄清，不復居民遭此荼毒。現下不能遷避之居民，苦及(極)不堪，甚至三餐不週，荳麥充饑，聞者無不垂淚。惟願大兵攻剋，拿獲該鄉官等就地審明正法，

以昭炯戒而快人心。某等聞者含憤，故作附入新聞，佈告中外官商共閱焉。

今日有人傳言，乍浦之賊均已退去，不知確否。又聞華爾之兵今日擬攻青浦云云。

吳淞探稱：羅店賊於埭石橋紮營，并築泥城。日前擄去百姓，大半用洋贖回。嘉城新到大股髮賊，劉行、光復等處賊館人數較多等語。

聞得：青浦城內逆匪麇集大股，嚴密防范。現在該城廂內外抽派民丁，以作民兵。每鄉五軍，一萬二千五百民兵爲一軍，分作前後左右中營伍。如遇官兵進攻，以各鄉設卡巡探賊卒放炮爲號。倘有稍錯，即爲（惟）該鄉官某軍帥是問。並趕派各鄉官勸捐米稻，在于鄉局做米，解城存儲，預爲陣戰兵糧急需。又在城外數里許，設有聯絡鄉兵卡幾十座，每卡派有賊卒五十名，晝夜尋探。並將城頭各更屋敵樓，逐段添築堅固。現將在城看守城頭各更屋敵樓逆匪，均准其配帶婦女，以免分心各等情。昨經李撫憲將城外紅橋各營扎派前往該處駐扎，派調松字營兵勇五百名、林字營五百名、奇字營五百名、開字營一千名、撫轅親兵一千名、曾制台親兵一千名，共有四千五百名，並扎知各營官，如遇該逆出撲，即可相繼進剿，不然鎮靜以待，仍聽本部院隨時調遣。其所遺紅橋各營盤，現派署江蘇按察司總理撫轅營務處劉前往鎮紮等因。

8月9日（七·十四）

松江探得：程參將統帶大兵，已至北斡山紮定大營。華副將於昨日申刻帶常勝軍二千餘名前往會攻青浦等語。

十二日申刻，南橋探稱：衛城無事。初九日有乍浦小股賊來窺營盤，經官兵追殺甚多。惟平湖界之賊出沒無常，俱屯新埭一帶。南橋所駐西兵，昨日午前盡行撤回，土城盡空，居民現擬進城居住等語。

吳松探得：羅店以西賊營聯絡，并聞每卡添派賊五百名。昨有八槳船、艇船十餘號，今晨出吳松口，聞（聞）係攻打劉河等語。

本日寧波來有實信：餘姚業已克復。自華爾部下有一兵官陣亡，並死兵勇數名云。

本月十二日七點鐘，上海道在洋涇浜天主堂祭奠前在南橋陣亡之法國卜提督，各國官商屆時齊往瞻仰。

十一日申刻到，吳淞探得：嘉城添到賊衆，東至施相公廟，再東至羅店，紮立營卡有七、八座，似有東竄之意。劉河仍有賊匪。太倉添到比前更多。劉行、塘橋等處仍有賊踞等語。

南橋探得：平湖有新到長髮，本爲就食，聲言要東竄。楓涇一帶時有賊股窺伺，現幸張堰大營可遏西來要路。朱涇昨日調到水師船數號防堵。南橋英兵聞西南有賊，議且緩撤等語。

8月12日（七·十七）

聞：十二夜間，有賊隊出青城東門，直至桐石村，經